



Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi
Ad Thermas Cardinalis Presbyteri Opera Quotquot
hactenùs separatim edita fuerê Omnia**

Bona, Giovanni

Antverpiae, 1677

Cap. II. Viam mysticam duplicem esse, activam, & Passivam. Quid utraque sit? Cupienti ad apicem mysticae Theologiae pervenire omnia relinquenda.

urn:nbn:de:hbz:466:1-10805

excedens humanæ speculationis: hæc cor dilatat ad infinita, & omnem modum naturalis cognitionis transcendit. Illa longa, laboriosa, & difficultilis: hæc brevis, expedita, & facillima est. Illa ab infimis incipiens, à pravorum scilicet habituum extirpatione, & tumultuantium affectionum moderatione, per studium virtutum, & vitae activæ officia ad apicem perfectionis ascendit: hæc admirabili circulo ab amore incipiens ad amorem progrederitur, & definit in amore per motus anagogicos, & flammigeras aspirationes. Est enim amor, ut Plato (d) etiam cognovit, circulus à bono in bonum perpetuò revolvens. Illam alibi (e) Deo duce, edocui: hanc breviter hic tradere animus est. Sed iterum ad Deum preces mittit, ut mentem, & manum dirigat, & cor amore inflammet; occulta enim ipsius melius amando, quam ratiocinando intelliguntur, & explicantur.

Spiritus (f) superum decus

Sancta fidere domus

Aura labore cœ litus.

Aura sacra, ter optimi

Dia flaminis aura.

Spiritus radians venit,

Terror agminis inferi,

Efficax hominum salus,

Aura sacra, ter optimi

Dia flaminis aura.

Alma lux sapientie,

Dulcis hospita mentium,

Cordis ardor amabilis,

Ima peccoris occupa

Igne peccus adure.

Fausta nuntia gaudii,

Flamma pronuba gratiæ,

Sancta lux animi ventus

Aura sacra, ter optimi

Dia flaminis aura.

C A P U T II.

Viam mysticam duplarem esse activam & passivam. Quid utraque sit. Cupienti ad apicem mystica Theologia pervenire omnia relinquenda.

OMissa igitur viâ Scholastica de solâ mystica agendum est. Hæc, ut docet Dionysius

(d) *Plato in Convivio*, ubi docte & suscitat Amorem.

(e) *In meâ ad Cælum Manudictione*. (f) *Ex hymno elegantissimo Urbani VIII, ad Spiritum Sanctum.*

Carthusianus (a) doctor extaticus, duplex est, activa & passiva. Colligitur hæc divisio ex Magno Dionysio Areopagitâ (b) qui ad Timotheum sic scribit. Tu vero, care Timothee, in mysticis contemplationibus, intenta exercitatione, & sensu relinque, & intellectuales operationes, & sensibilia, & intelligibilia omnia, & ea quæ sunt & quæ non sunt universa, ut ad unionem ejus, qui supra essentiam & scientiam est, quantum has est, indemonstrabiliter assurgas; siquidem per liberam & abolitam, & puram tui ipsius à rebus omnibus avocationem, ad supernaturalem illum caliginis divinæ radium detractis omnibus & à cunctis expeditus eveheras. Et alibi ita loquitur. (c) Est item divinissima Dei notitia, quæ per nescientiam accipitur, secundum illam, quæ supra intellectum est, unionem, quando mens a rebus omnibus recedens, ac deum sicutipam deserens, desuper fulgentibus radiis unitur, quibus in illo inscrutabili sapientia profundo collustratur. Quibus verbis utramque viam attingit, activam, quæ in nostra sita est voluntate, non tamen sine divini auxili infuso lumine, dum monet Timotheum, ut se disponat ad unionem per omnimodam abstractionem a rebus omnibus, sensus relinquendo, quia non percipiunt quæ sunt spiritus Dei, & omnia objecta sensibilia ac intelligibilia, principia scilicet scientiarum & ratiocinationum; & ea quæ sunt, essentias videlicet rerum immutabiles: & ea quæ non sunt, res nimurum temporales, quæ propter continuum mutationem meritò dicuntur non esse. Sic autem expedito ab omnibus impedimentis futurum pollicetur, ut ad supernaturalem divinæ caliginis radium anagogice sublimetur, & à Deo trahatur: quia tunc anima divinitus rapitur, & absorbetur, quæ est via passiva, supponens præviam viæ activæ dispositionem.

2. D. Bernardus hanc duplēcē viam tendendi ad divinam unionem his verbis (d) exponit. Quidam trahuntur, qui dicere possunt; Trahi me post te. Nonnulli ducuntur, qui dicunt; Introduxit me Rex in cellam vinariam. Alii rapiuntur, sicut Apostolus raptus est ad tertium cælum. Et primi quidem felices, qui in patientia suâ possident animas suas. Secundi feliciores, qui ex voluntate suâ continent Domino. Terti felicissimi, qui in profundissimâ Dei misericordia, quasi sepultâ arbitrii libertate.

(a) *Dionys. Carthus. lib. de fonte lucis art. 14.* (b) *Dionys. Areop. myst. Theolog. c. 1.* (c) *Item de div. nominib. cap. 7.* (d) *Bernard. serm. 2. de Ascensione.*

itate, in divitias glorie in spiritu ardoris rapiuntur, qui spatio ac suppresso adminiculo rerum ac sensuum, non ascensoris gradibus, sed inopinatis instantaneisque excessibus feruntur in Patrem. Hæc Doctor mellifluus, qui duos priores dispositiones activæ deputat, tertios passivæ. Deus itaque sublimis, verba sunt Excellentissimi magistri Dionysii Cartusiani (e) Cum viderit mentem hominis spiritualis Zelo iustitiae penetratam, charitate flammigeram, puritate ac omni virtute fulcitam, ad divina sorriter aspirantem, mox dignissime, exuberantissime, amorose, ac frequentissime ei occurrit, succurrit, cooperatur, seque et communicat, manifestat, infundit, eam ad se elevat, intrâ se raspat, desculpat, amplectitur, aque se ei intuendum, gustandum, fruendum offerit, ac exhibet, habetque complacentiam magnam in ea, & tanquam amicam a sponsam apprehendit, secundat, & sibi adstringit.

3. Tunc vero animæ nostræ suprema portio ad Dei receptionem parata erit, ut in speculo æternæ salutis summus rerum divinarum contemplator Rusbrochius (f) admonet, cum fuerit proorsus nuda, & formis seu imaginibus vacua, in suum semper principium intuens. Sed quia ad hoc, teste D. Bonaventura (g) nihil potest natura, modicum potest industria; parum dandum est inquisitioni, multum unctioni; parum verbo & scripto, totum Dei dono. Moriamur ergo, & ingrediamur caliginem, imponamus silentium solitudinibus, concupiscentias, &phantasmibus: transeamus cum Christo crucifixo ex hoc mundo ad Patrem, ut eo viso dicamus cum Philippo (h) Suffici nobis. Hæc est vera vita, ita Plotinus (i) fuga solis ad solum. Sed melius de nostris propono. Relinque hominem, Angelum, celum, inquit Taulerus (k) & ipsum essentiale bonum, ipsam essentiam veritatem capere nudi in se ipsa, nam quidquid apposueris, hoc ipsum tegit & exclusit unitatem. Platonici, quos phrasibus & verbis Dionysii Areopagitæ saepissime ut S. Maximus (l) affirmit, nihil frequentius docent, quam nos debere omnia relinquere, ut ad Deum ascendamus. Hinc Plato in Phædron Philosophiam esse docet animi à corpore avulsionem, à corporeis scilicet affectionibus separationem. Eamdem veritatem cognoverunt Py-

(e) Cartus. de fonte lucis art. 16. (f) Jo. Rusbroch. in Speculo aeterna sal. cap. 8. (g) Bonavent. Itinerarium. cap. ult. (h) Ioan. 14. 9. (i) Plotinus in fine libri ult. (k) Jo. Taulerus serm. 3. pasch. (l) Maximus prologo in opera Dionysii.

thagorici, quorum unus, cuius magisterio se subdidicerat Justinus Martyr (m) sic ipsum horabatur; An putas te perceptum quidquid ad felicitatem pertinens, nisi prius animam a rebus sensibilius ad intelligibiles traductam reddas aptam virtuti, ipsiusque summi boni contemplationi?

4. Hæc est vera sapientia à fonte omnium bonorum beatissima emanatione procedens, ac mentibus Sanctorum divinitus illapsa, qua perfusa anima, non Dei dona, sed ipsum largitorem scintillantibus affectionibus, insatiabilibus votis, unitivis aspirationibus desiderat; & ad eum suspirat, donec obtineat. Huc suspirabat Propheta (n) cum dicebat. Quid dabit mihi pennis sicut columbae, & volabo, & requiescam? Quod si quæras, ubi vera sit requies, subiungit, Ecce elongavi fugiens, mansi in solitudine. Verbum namque sempiternum non nisi in solitudine proferatur, in ea inquam solitudine, ubi homo & à se ipso, & ab omni multiplicitate relitus, desertus & exul effectus est. Propria Sanctorum est hæc solitudo, quorum haec sunt verba apud Tertullianum. (o) Ego nihil foro, nihil campo, nihil curiae debo: nihil officio ad vigilo, nulla rostra præoccupo, nulla prætoria observo, cancellos non adoro, subsellia non contundo, jura non conturbo, causas non elato, non judico, non milito, non regno. Secessi de populo: immo unicum negotium militi est, nec aliud nunc curio, quam ne curem. Erat olim ista sententia: Nemo alii nascitur, moriturus sibi. Certè ad Epicuros & Zenones ventum est: sapientes vocas totum quietum magisterium, qui eam summæ atque unicæ voluptatis nomine conservare.

C A P U T III.

Mystica Theologia quid sit? Quomodo differat ab aliis scientiis? An cognita fuerit antiquis Platonici? Ejus principium & scopus.

1. **H**ac via quietis, secessus, & abstractionis pervenitur ad mysticam Theologiam, ad illam videlicet indoctram sapientiam omnis sapientia humana superiorum, quæ mens Deum suum sine discursibus agnoscit, & quasi contrectat, & sine ratiocinationibus gustat. Est autem mystica Theologia secretissima mentis cum Deo

O 3 locutio.

(m) Justinus martyr initio Collag. cum Triphone. (n) Psal. 54. 7. (o) Tertullianus de Pallio.